






第一〇八六冊

四庫全書

●上海古籍出版社

本冊目次

林	武	南	小
和	夷		
		陽	畜
靖	新		
集	集	集	集

宋 王禹偁撰……………一	宋 趙 湘撰……………三〇三	宋 楊 億撰……………三五	宋 林 逋撰……………六一五
--------------	----------------	---------------	----------------

欽定四庫全書

集部
小畜集卷一至五

計校官監察御史臣李陽祿
檢討臣何思鈞覆勘

總校官進士臣朱銓
校對官中書臣田尹衡
謄錄監生臣陳煜

御製王禹偁待漏院記題辭

待漏院記理正言明膽炙千古無可雌黃然彼在臣言
臣知一而未知二故題之辭

記中歷歲相臣賢者一邪者一庸者一列為三等亦既
彰往者規將來可以為執政者之龜鑑矣但所謂一國
之政萬人之命懸於宰相則吾不能無疑焉夫此三等
之人豈能自任用之者君也若為君者不能自用其臣
而或資於人焉則賢者不成其為賢邪者益肆其為邪

欽定四庫全書

御製題辭
小畜集

而庸者且將自喜其為庸矣是則一國之政萬人之命
不懸於宰相而懸於為君者明矣然而識此三等之人
豈易乎必存於心者克己而復禮接於物者大公而
至明苟不如斯三等之人紛陳於前而無所生張去取
天下之政將日壞而不可收拾非相臣之罪乃為君者
之罪也禹偁所云君逆於上臣勞於下當與王褒所云
為人君者勤於求賢而逸於得人語並觀之然亦終
無可逸之時則其義見於周公無逸之篇茲故申繹其

義而題之辭以戒後之為君者且以自戒也

欽定四庫全書

御製小畜集

欽定四庫全書

集部三

小畜集

別集類二宋

提要

臣等謹案小畜集三十卷小畜外集七卷宋王禹偁撰禹偁字元之鉅野人太平興國八年進士官至翰林學士知制誥屢以事謫守郡終於知新州事蹟具宋史本傳禹偁嘗自次其文以易筮之得乾之小畜因以名集晁

欽定四庫全書

小畜集

公武讀書志陳振孫書錄解題皆作三十卷與今本同惟宋志作二十卷然宋志荒謬最甚不足據也宋承五代之後文體纖儷禹偁始為古雅簡淡之作其奏疏尤極剴切宋史採入本傳者議論皆英偉可觀在詞垣時所為應制駢偶之文亦多宏麗典瞻不愧一時作手集凡賦二卷詩十一卷文十七卷紹興丁卯歷陽沈虞卿嘗刻之黃州明代未有刊

本世多鈔傳其詩而全集罕覩故王士禎池

北偶談稱僅見書賈以一本持售後不可復

得為憾近時平陽趙氏始得宋本刊行而陳

振孫書錄解題所載外集三百四十首其曾

孫汾所裒輯者則久佚不傳此殘本為河間

紀氏閱微草堂所藏僅存第七卷至第十三

卷而又七卷前缺數頁十三卷末集賢錢侍

郎知大名府序惟有篇首二行計亦當缺一

欽定四庫全書

小畜集

三

兩頁原帙籤題即曰小畜外集殘本上下二

冊知所傳止此矣其中次韻和朗公見贈詩

及題下自註朗字皆缺筆知猶從宋本影抄

也凡詩四十四篇雜文八篇論議五篇傳三

篇箴贊頌九篇代擬二篇篇序十二篇共一

百一篇較原帙僅三之一然北宋遺集流傳

漸少我

皇上稽古右文凡零篇斷簡散見永樂大典中者

苟可編排咸

命儒臣輯錄成帙以示表章此集原書七卷歸然

得存是亦可寶之秘笈不容以殘缺廢矣乾

隆四十六年六月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

小畜集

三

小畜集原序

內翰王公以文章道義被遇太宗皇帝視草北門代言西掖眷優接隆聲望最重咸謂咫尺黃閣矣偶坐事左遷咸平初來于齊安在郡政化孚洽容與暇景作竹樓無愠齋睡足軒以玩意邦人沐浴恩惠為繪像立祠東坡居士嘗親拜其下歷歲滋久經涉兵盜無一存者風範歇絕音徽渺然良可太息平生操著極富有手編文集三十卷名曰小畜集其文簡易醇實得古作者之體

欽定四庫全書

小畜集
原序

往往好事得之者珍秘不傳以故人多未見虞卿假守於此追訪舊址躊躇增慨想見其人思欲以次興葺而鈍拙無能救過不贍輒且先其大者因以家笥所藏小畜集八本更加點勘鳩工鏤板以廣其傳庶與四方學者共之紹興丁卯皇上祀紫壇之明年六月庚申歷陽沈虞卿序

淳化二年歲在辛卯禹偁王闕

州團練副

使至道二年乙未歲闕

士黜守滁上得尚書

工部郎中明年十二月移知廣陵又明年三月今上嗣

位復以刑部郎中入西掖咸平二年守本官知齊安郡

年四十有六髮白目昏闕常多病大懼沒世而名不稱

矣因閱平生所為文散失焚棄之外類而第之得三十

卷將名其集以周易筮之遇乾三三乾下之小畜三三

乾下乾之象曰君子以自強不息是禹偁修辭立誠守

道行已之義也小畜之象曰風行天上小畜君子以懿

文德說者曰未能行其施故可懿文而已是禹偁位不

欽定四庫全書

小畜集
原序

能行道文可以飾身也集曰小畜不其然乎咸平三年

十二月晦日太原王禹偁序

小畜集原序

欽定四庫全書

小畜集卷

古賦

籍田賦

國陵大賦

大閼賦

三點賦

周柱賦

宋 王禹偁 撰

欽定四庫全書

籍田賦 并序

小畜集卷一

臣謹按周制孟春之月天子親載耒耜躬耕籍田所以事天地山川社稷先王醴酪粢盛于是乎取之恭之至也自周德下衰禮文殘缺故宣王之時有虢公之諫秦皇定伯鮮克由禮漢祖隆興日不暇給孝文孝景始復行焉昭帝弄田亦其義也後漢永平中明帝東巡耕于懷縣非古制焉魏氏親耕闕百官之禮蓋革創備晉武太始之年略修隆興宋文元嘉之代亦舉舊章齊用丁

亥之辰梁以建卯之月後魏北齊沿革有異隋朝唐室

文物可觀太宗行之于前明皇繼之於後自茲以降廢而

不行將煥先農必待真主皇宋享國三十載陛下嗣統

十四年武功已成丈理已定乃下明詔耕于東郊百執

悅隨三農知勸禮官博士蹈舞而草儀句師番夫歌詠

而供職右拾遺直史館王禹偁再拜而颺言曰耕籍之

義大矣哉千畝之田三推之禮所以教諸侯而事上帝

率人力而成歲功實邦國之彛章皇王之大典昔滿安

欽定四庫全書

仁賦之于晉岑文本頌之於唐今王道行矣王籍修矣

神功帝業煥其有光宜暢頌聲以播樂府謹上籍田賦

一章雖不足形容盛德亦小臣勤拳之至也其詞曰

十四年兮帝業遐宣震區晏然乃順考于古道將躬耕

乎籍田務本勸農稽前文而備矣事神教養舉隆典以

行焉萬國歡心而懌懌百官供職以虔虔革儀注於有

司議沿革於遺編築壇墀之三陸開阡陌之百廛文物

聲明合禮經而有度旌旗衣服應方色而不愆既而屆

孟春擇元日太史先奏天子將出是月也道人徇路星
鳥中律當東郊之迎春是東作之平秩皇帝於是即齋
宮辭帝室戒錫鸞嚴警蹕乘青輅以有威儼朱紘而無
逸佩乎玉也懸黎之色蒼蒼載其旗馬千呂之雲鬱鬱
屬車負播殖之器後宮獻種桂之實紅縻黛耜服蔥韞
以陸離縹輓紺轅駕蒼龍而飄歛太常之禮具舉司農
之屬各率甸師掌舍警御陌以惟嚴封人野廬設墻宮
而靡失于國之東千官景從風清塵而習習雨洒道以
濛濛時也木德盛陽氣充春芒甲折青青兮蔥蔥春土
脉起油油兮溶溶冠蓋蔽野珮環咽風若浮雲兮隨應
龍旂幟張日車徒塞空若衆星兮環紫宮修農事以惕
惕襲春服之重重爾乃配少皞祠先農尸祝無媿豆蓬
以供太牢之牲存之而肥腩太族之樂奏之而春容于
是修帝籍勞聖躬撫御耦以無怠履游場而有蹤將循
乎千畝之制豈止乎數步之中耕鉤盾之弄田但矜兒
戲修建康之春籍未煥農功有以見萬乘之尊三推而

舍或五或九降殺之義有倫爾公爾侯貴賤之班相亞
嗇夫酒種以斯畢庶人終畝而告罷千耦其耕煥乎禮
成播百穀兮率人力歌載芟兮揚頌聲將見乎餘糧棲
畝腐粟如京神倉令納乎泰稷以備災盛厲犧氏收其
藁藉用餉犧牲親畎畝兮化被重民天而教行自得訓
農之實非貪慕古之名然後下青壇歸絳闕百姓知勸
羣后咸謁在鎬之宴啟歌虞之音發獻萬壽兮懽呼奏
九韶兮鏗越開三面以行惠宥五刑而慎罰恩流于孝
悌力田德被于雕題辨髮興五土之利固必躬而必親
同三代之風復不矜而不伐大矣哉籍田之禮豈三年
而不為躬耕之義將百代而可知我所以舉久廢之典
定不刊之儀慮弗勤於四體將有富于三時務農桑兮
為政本興禮節兮崇教資民乃力穡歲無阻饑神農斲
木之功我其中矣后稷播時之利我得兼之供拒邑以
斯在介豐年而有期丕顯事天之禮誕歌祈社之詩祀
山川兮神鑒明矣配祖考兮德馨遠而永錫純嘏用光

孝思乃作頌曰俾彼東郊公田是闢大君戾止言耕其籍帝籍既修乃及公侯親爾耒耜勤爾疇田疇言采黍稷祀于園丘億萬斯年以承天休又曰俾彼東郊耕壇其崇大君戾止言訓其農農功既最乃知崇尊爾家以給爾人以足言奉盞嘗過于比屋億萬斯年以介景福

園陵大賦

嘉彼御大既良且馴蒙先朝之乃眷向皇宮而託身有警蹕以皆從無起居而不親繡組飾以煒煒金鈴奮而

欽定四庫全書

小畜集

五

振振餉以公庖彭澤之魚兮曾何足道畜之土性西旅之葵兮詎得同倫健逐天步慵眠地茵効珍比夫異獸供命等乎邇臣若乃風暖掖庭花繁禁衛扇見錦翼之雉籠近雪衣之女入赭袍兮曳尾聞霓裳兮率舞循遠乎金塘徘徊乎瑤圃睥睨爐煙追隨蠟炬見觀書于乙夜聽書衣于未曙既無吠乎投籤每夙興于曉鼓莫不嘿識聖心潛知天語備指顧以弗迷奉周旋而見撫第辰遒而夕嬉又安在乎逐麋而捕鼠彼宋徒之與韓盧

又安得同羣而接武者哉嗟乎事變人天時移今古秦皇採藥島中之士未迴軒后鍊丹湖上之龍已去欠祇鼎以登仙對遺弓而慙主卧錦薦兮問安啗鮮食兮彌若豐顧載減負重錘而不勝病骨其羸求弊蓋於何所赫赫顧命明明嗣皇念犬馬之微誠義存始卒徵父母之所愛深增盡傷俾守園陵之地且殊盤飧之鄉縻索緇以瑾瑜琢籠檻而熒煌仗陪園簿車逐輶輶鑠玄宮兮黯黯號白日兮茫茫松阡夜月柏城曉霜依六尺之輿已成疇昔盜一杯之土亦足隄防表終天之巨痛甘朽骨于龍岡狡兔盡而見烹禮殊炎漢駿馬死而陪葬事類皇唐邈予生之介立荷太宗之維繫叨澤宮之一第玷承明而再入恥懷祿以不言維報君之是急胡薄命之多屯顧寸功而莫集嗟白首於郎署慟梓宮而嗚悵生未得圖形煙閣想英衛之難追死不當賜葬長陵豈蕭曹之能揖異臣哉之可歌信危也之問及聊作賦以自傷寄毫端而雪泣

欽定四庫全書

小畜集

六

大閱賦

大閱之義載于春秋彼乃一國之軍禮千乘之諸侯曾未若天子之大閱揚神武而闡皇猷天祚有宋受禪于周太祖以武功戡定太宗以文德懷柔億兆人兮頌聲作四十載矣王澤流二后上仙貽厥孫謀一人繼統承天之休大舜孝思四海遏密高宗諒闇三年宅憂俯順先王之喪紀重違百辟之勤求于是延英入閣端冕凝旒釣臺錫宴拊石鳴球天地同和親來庭之鳳舞君臣欽定四庫全書

小畜集

上

相遇歌在藻之魚游惟聖克念惟皇聿修方欲生擒頭利血滅蚩尤輯大勲而光祖考練武經而平寇仇以爲天生五材孰能去其兵革武有七德予將整乃戈矛時也鷹隼擊虹蜺收閭穽飛乎原隰嘉禾斂乎田疇因農隙而順時令數軍實而修戎政野廬設次甸師奔命御幄立而天開教場平而霜動雷動風行千騎萬乘予以威八荒予以安百姓師出以律我所以表嚴壯之稱器不示人我所以執征伐之柄乃幸近甸出重城天步順

動帝車啟行申軍令以偃草揚靈旗于荊楚赴洗洗環衛之將帥皇皇濟濟危蹕之公卿從龍雲合捧日霞生國簿前驅按禮文而不感招搖在上法天象而有程肅肅戈戟鏜鏜鉦鉦期門仗飛雲蒸而鱗萃材官騎士岳立而山橫旌旗衣服文物聲明列羽林之仗空細柳之營錫鬻和鈴鏜天籟於曉吹槍櫓鋒霜戢星芒于太清皇帝乃降步輦陞帳殿明誓六師誕修一戰法武侯之陣示以縱橫按風后之圖親加訓練出游兵以定兩欽定四庫全書

小畜集

八

端握奇數而制四面搖乾蕩坤飛霆走電八尾四頭千化萬變開合舒卷若常山之蛇蟠沸渭喧闐如滄海之驚扑則有超乘勇戲車爲郎挾射戰挽強屢張劍倚青漢戈揮太陽可以越巨壑踏毘閭氣壓乎北方之強又若屈產新羈渥洼逸駕汗血蘭筋勝霜照夜師子花獐胡孫色赭可以走高山突平野勢吞乎南牧之馬莫不虺若虎號猛如熊羆鑿兵神速彌騎馳前禦其前必參長而補短陣間容陣亦鷹行而魚麗疾徐有節

動靜有期無窮如天地之運轉不竭如江漢之渺瀰沒而復出如兩曜晝而復生如四時同子弟之親父兄急難相救若手足之扞頭目斯須不離此此然立不敗之地堂堂乎成無敵之師以虞待不虞則禍亂息矣治多如治寡則進退隨之所謂有備無患居安慮危保寧宗社震聲靈夷暢皇威于萬畫生允悅於克眉夫如是岐陽大蒐安能竊迹驪山講武不足稱奇以此攻城何城不克以此平戎何戎不北兵雖恃乎服習戰必分其面

欽定四庫全書

小畜集

九

直周武桓桓之衆尚以仁而伐不仁漢高將將之材固闔智而不闕力既而皇徽極白日斜還北闕御東華宴喜斯備慶賞有加氣增堡障聲動幽遐通太漠極流沙佇見破天親可汗之名風行紫塞賜奉國契丹之印永屬皇家帝庸作歌曰順時獮狩安邊禦寇揚我武兮師人輯睦軍陣習熟威醜虜兮不教而戰祇取敗兮不戢自焚予深戒兮近臣再拜而賡歌曰秋大閱兮威窮邊兵力銳兮人心堅封狼居兮禪姑衍抵瀚海兮登燕然

俾適逃兮無地咸扶服兮朝天無外之化兮被率土升中之禮兮告上玄然後飛英聲介景福億萬斯年

三黜賦

一生幾日八年三黜始貶商於觀老且疾兒未免乳呱呱擁樹六百里之窮山唯毒蛇與鱗虎慄二稔而生還幸舉族而無苦再謫滌上吾親已喪几筵未收旅櫬未葬泣血就路痛彼蒼兮安仰移郡印于淮海信靡臨而鞅掌旋號赴于國哀亦事居而送往叨再入於掖垣何

欽定四庫全書

小畜集

十

寵祿之便蕃令去齊安髮白目昏吾子有孫始笑未言去無騎乘留無田園羝羊觸藩老鶴乘軒不我知者猶謂予郎官貴而郡守尊也於戲令尹無愠吾之所師下惠不恥吾其庶幾卞和之刖吾乃完肌曹沫之敗吾非與尸緘金人之口復白圭之詩細不宥兮過可補思而行兮悔可追慕康侯之晝接兮苟無所施徒錫馬而胡為効仲尼之日省兮苟無所為雖數鳳而奚悲夫如是屈于身兮不屈其道任百請而何虧吾當守正直兮佩

仁義期終身以行之

罔極賦

後周廣順太歲甲寅季秋戊子實生吾身稟粹和于兩儀荷鞠育於二親粵自始孩逮乎成人求名得名于祿得祿痛吾母之早終受君美而舍肉丁吾父之大憂徒倚廬以食粥被朝恩之抑奪履人事而淒迷五鼎或來美仲由之斗米三牲縱具非茅容之隻雞豈無兄弟各懷祿而栖栖亦有子孫方嬉戲乎孩提冗食今紀綱之

欽定四庫全書

小畜集

十一

僕多病兮糟糠之妻望松楸以暮泣履霜露而晨啼今日何日家人舉爵祝我壽考勸我歡樂感懸弧于茲辰念陟岵而淚落換斑衣兮純素變華顛于總角孰謂儒者不如農夫良田十畝桑桑百株無求于人身何憂其悔吝必出于力養不問乎精麤父母俱存緼袍重襦子弟匪懈夕耕曉鋤雞豚掩豆黍稷盈壺草堂為壽其樂只且嗟乎吾不得而及也賦罔極而長吁

小畜集卷一

欽定四庫全書

小畜集卷二

律賦 有序

宋 王禹偁 撰

禹偁志學之年秉筆為賦逮乎策名不下數百首鄙其小道未嘗輒留秋試春闈粗有警策用能首冠多士聲聞于時然試罷即為同人掠奪其輩于今冀有存者淳化中謫官上維明年太宗試進士其題曰厄言日出有傳至商山者駭其題之異且難也因賦一篇今求向所

欽定四庫全書

小畜集

一

存者得數千紙焚棄之外以十章列為一卷仍以厄言為首尊御題也

厄言日出

天道如張弓

仲尼為素王

君者以百姓為天

復其見天地之心

尺蠖

聖人無名

素籥

醴泉無源

火星中而寒暑退

卮言日出賦

盈側空仰
隨變和美

卮之為物也空則仰滿則傾伊斯言之無像假假器而強名日出彌新尚安知其適莫天倪自得亦胡繫於虛盈豈不以卮無所識每逐物而歎側言無所執但因時

欽定四庫全書

小畜集
卷二

而語嘿諒何思而何慮固靡失而靡得用能滿天下以無過體寰中而可則徒觀夫卮醴飢以弗定言支離而不窮孰見兆朕難明始終冥其心若虛舟之泛水應乎物類天籟之鳴空是以至道無形至人絕想詎難追於駟馬實冥求于罔象以不器之器是資以不言之言為上存於身則大智之閑閑移於邦則王道之蕩蕩喻鳴鐘之大小物莫我欺取膠柱於樞機吾將安仰大哉卮也者既異歎器且殊漏卮言也者亦匪確論又非詭隨

知萬物之種也奚千里而應之智過棼瓶搏杙之書徒

爾信踰盈缶連山之象何為故曰不言則齊同形相禪

巧如簣兮非偶卒若環兮無變得之者毀譽兩忘失之

者是非交戰詳夫卮有空滿於義則那言無準的在理

云何亦猶君不言而默肯化天不言而玉燭和是以大

道五千取不知而立誠寓言十九藉外論以同波令我

后據北極之尊窮南華之旨思欲體清淨而率兆庶故

先命辭賦而試多士盛乎哉崇道之名不為虛美

欽定四庫全書

小畜集
卷二

天道如張弓賦

王者喻身
則此宜施

上天如之何匪謙莫益張弓如之何匪高莫抑瞻倚杵之為狀考彎弧而取則所以老氏順之以立玄言王者法之而建皇極豈不以天實虧盈弓唯審固既命中以有式若無親而設喻善惡之効自應弦而靡差禍福之祥同流矢之所注吾嘗觀善射之人如天道兮有倫下者舉其勢高者俯其身左馬右人落穀中而不失十發九中視掌上而彌親又嘗觀上玄之理與張弓兮匪異

損有餘以示誠補不足而平施小人用壯唯六極而是
罹君子好謙乃百祥而咸萃又嘗觀上聖之姿法天道
兮緝熙令先禁於強暴心不忘於惇睦百姓與能自樂
裁成之道四時咸序爰歸輔相之宜天之道也既如彼
兮之義也又如此懿乎男子之事克叶聖人之旨自可
移于邦求諸己蓋哀多益寡者焉唯舉下抑高而已夫
如是則張其弓挾其矢體由基之所長天道遠人道邇
非裨竈之能量是以君者撫其弱抑其強如猿臂之盡
欽定四庫全書

小畜集
卷二

四

妙中鵠心而允臧向使天理或爽君道靡常自然及時
而反德又烏可稱帝而稱王者哉故曰孰能以有餘奉
天下唯有道者

仲尼為素王賦

儒素之道
專比王者

鳳鳥不至兮河不出圖聖人無位兮立教崇儒道之將
行但棲遲而歷聘民受其賜猶南面以稱孤有以見同
乎王者孰云乎蓋出司徒者也原其運屬陵遲力興儒
素道將俾於皇極化實被于黔庶文行忠信設萬世之

欽定四庫全書

小畜集
卷二

五

紀綱禮樂詩書崇百王之法度于時也魯道有蕩周德
下衰言念萬國將同四夷不有聖也誰其救之我所以
行教化序尊卑造次顛沛兮于是東西南北兮忘疲用
能定君臣父子之道述皇王帝霸之基夫如是則土無
二以並矣位通三兮俾而異夫振乃素風齊諸大寶贊
易象矣奉天時修春秋兮行天討講於洙泗初彰化下
之功登彼泰山爰契升高之道自然其教斯廣其號彌
尊豈止同明於日月亦將比德於乾坤居無求安四載
之勤勞是劬戈不射宿三驅之田獵斯存蓋由宅一畝
以卑宮佩五常而克己其位也因於陪臣其道也齊於
天子列四科而升十哲八凱何殊誅正郊而斬俳優四
凶竊比聖德洋洋同諸帝王行東脩而陳玉帛端綏掖
而垂衣裳夢見周公求傳巖而允理問於老子師尚父
而彌光大哉道濟古今教流華夏瞻不泯之廟貌若無
疆之宗社悲夫商辛夏桀兮號獨夫又安得比于儒者

君者以百姓為天賦

君有庶民
如得天也

亦唯黎庶每慮其一夫不獲竊比於關

驗惡紂

以歸周似厭秦而援楚是知察彼哀樂同茲慘舒但人心之悅矣任天道之何如教以文章似列星辰之際示之淳朴疑歸混沌之初想夫君既柔懷民同剛克姑寅畏以則可苟暴殄而安得與人歌頌乃大舜之升聞自我聰明信惟克之是則大矣哉善化民者以天為則善知天者以民為先若天人之理洞達則帝王之道敷宣寧資裨寬之言斯為妄矣自取夷吾之說不亦明焉今

我后子育兆民砥平九野上惟奉於穹昊下每矜於鰥寡自然以百姓為天萬方關歸也

復其見天地之心賦天地幽暗觀象斯見

動者天地之用其震也勃焉靜者天地之本其復也寂然故二儀之心乃見七日之義斯玄自可要終而原始何必俯地而仰天豈不以復卦之義雷入於地既反本以無朕亦見心而有自跡君不捷遂明萬化之源剥道方終未觀一陽之至其或鼓萬物盪六幽上健行而弗

急下剛克而勿休蒙亨艮止以互作雷動風行而不收

此乾坤之功也心無得而可求及其化功成物理革高明之體無用沈潛之形莫索凝然若混沌之未鑿寂兮如庖犧之未畫此乾坤之本焉心有求而可贖得不窮動靜之旨審語默之端其心斯在其妙可觀聖人見之則政尚簡教尚寬棄智而化萬姓垂衣而總百官故帝堯之道文思安安非復之義者諒至此而攸難君子見之則反諸身視諸掌既絕慮于嗜欲乃游神於罔象故